

SKUPŠTINA KANTONA SARAJEVO

NAROD I PRAVDA

MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

KJKP „TOPLANE – SARAJEVO“ d.o.o.

PREDMET: INICIJATIVA

KJKP „Toplane Sarajevo“ je 12.05.2023. godine raspisalo *Javni poziv za učešće u projektu „Sufinansiranje troškova ugradnje individualnih mjerila toplotne energije u objektima na sistem daljinskog grijanja KJKP Toplane Sarajevo“*. Pravo učešća po tački 4. javnog poziva imaju korisnici koji imaju takav sistem cijevnog razvoda koji omogućava ugradnju individualnog mjerila, (takozvani „jednocijevni sistem“).

S obzirom da su za javni poziv resorno Ministarstvo i KJKP Topane osigurali po 300.000,00 KM, a da uvjeti nisu prilagođeni potrošačima koji nemaju „jednocijevni sistem“, iako je ovakvih potrošača mnogo više, molim da finansijeri projekta što prije ponude istu mogućnost i korisnicima koje je ovaj javni poziv diskriminisao

OBRAZLOŽENJE:

Zakon o zaštiti potrošača Bosne i Hercegovine („Službeni glasnik BIH“, broj 25/2006 i 88/2015) u odjeljku **VII Ekonomske usluge od opšteg interesa**, član 35. kaže:

„(1) Prodaja energije (električna energija, za grijanje, gas i sl) i vode potrošačima treba da bude obračunata na osnovu stvarnih isporuka očitanih na brojilu potrošača.

(2) Ako se prodaja (isporuka energije) ne obračunava na osnovu mjerenja potrošnje na brojilu potrošača, na zahtjev potrošača, isporučilac usluga za isporuku energije navedene u stavu (1) ovog člana dužan je da omogući potrošaču ugradnju potrošačkog mjerila na svoj trošak, na osnovu projekta o tehničkoj izvodljivosti. Projekat o tehničkoj izvodljivosti izrađuje i ovjerava ovlašćeno stručno pravno lice ili fizičko lice, u skladu sa zakonom.“

S obzirom da spomenutim Javnim pozivom svim korisnicima nije data mogućnost da makar i pod različitim uvjetima ostvare prethodno navedeno pravo, neophodno je otkloniti diskriminaciju i omogućiti svim korisnicima sufinansiranje troškova ugradnje individualnog mjerila.

Sarajevo, 30.05.2023.

Mersina Mehmedagic, zastupnica